

續修如臯縣誌卷十

藝文志

光昭日月義發風雲闡幽微顯殫見洽聞居今稽古續志藝文

藝文

明吳國禮文集序

周順昌

夫筆墨之業成於學問發於性情有真性情然後有真文章此其故作者固不自知亦復不可得而言也吳君子履世家如臯歷傳忠厚稟承先訓風度恂恂望而知為儒林金玉壬子之秋與余同獲雋南闈讀其墨如雲屋天構恍於蓬宮閨苑中遇之令人可望而不可即

如臯縣續志

卷十

藝文

既而公車聯轡僑寓京邸者屢月索其窗稿於篋中與常州巢伯楨壽州方孩未共讀之篇各成格挾精剔華皆能道人所不道到人所不到非天際真人性情邁種安能超超元著空所依傍如是耶及風雨晦明間論此中甘苦又皆余所親嘗而身歷者得失離合不爽累黍因歎學問之功固不可輕付如駛之流光於一擲也爰悉其急付坊刻以為後學疏濬其性靈然而筆墨之業正亦難言唯望秉子履之性情者自具拔新領異之識焉耳

國朝

歷朝史序

宮保兩江制府陶

澍雲汀

印章之起蓋自周官掌節貨賄用璽節然掌之於官以通商旅之出入則猶今州縣之印非私印也私印之流傳於世者自漢始率治金爲之與鐘鼎款識同其筆法未易窺見今雖人人言漢法而心知其意者絕少如臯黃君楚橋乃特以此事名嘗聚石四百餘方取古今作史諸人人篆一章名曰歷朝史印凡十卷嘉慶初大典朱文正公序而行之嗣是徧遊吳越江淮一時士大夫莫不思得君片石以爲重今年夏秋間爲余作數方古雅絕倫筆筆中鋒三代法物如將見之夫一藝成名皆必有真精力存乎其間其傳之久暫亦常視以爲率秋之於奕宜僚之於九扁之於輪彼各有動乎天而不自

如臯縣續志

卷十

藝文

二

知者至形之於言筆之於書皆糟粕也楚橋得名三十餘年今老矣技而益進乎道其視向之所著吾惡知其不以爲糟粕耶雖然上自周初下逮明季有良史數十百人一開卷而如晤焉夫以印爲印業此者所知也羅頁史數十百人於胸中以爲印則非業此者所知也楚橋之胸有此數十百人與之往返噫此其所以能爲楚橋也歟

許工部墓詩記畧

揚州黃洙澹人

丙辰春設講於臯敬謁工部許公墓因憶江右吳退菴孝廉名烜客邗上時見其弔公墓詩惜老病善忘已軼其半翌日晤語陳生頰雜誦其辭曰靖難起忠臣死權

關使者正學弟子八百七十三人同日戮乾坤慘淡山  
川哭嗟師已死復何生慷慨殉節非沽名歐橋路工部  
墓白楊落日烏啼樹因亟書之擬補一石於墓之右

許忠愍公制藝遺稿一卷序

知縣范仕義

彌綸天地者道也經緯天地者文也是故道寓於文者  
乃可因文以見道古之君子知道之所從出無乎不該  
探天人性命之理篤君臣父子之倫攷禮樂政刑之治  
體之於身則建非常之業宣之於口則垂不朽之言觀  
於忠愍公之遺文有不憬然思瞿然興哉公以明崇禎  
甲戌成進士出於文湛持先生之門贈以銀製文格二  
事美其立品端方不踰尺寸嗚乎雖偶爾鑒賞之言而

如臯縣續志

卷十

藝文

又二

公他日之成就生平之樹立皆衡文時定之與史閣部  
少時受知於左忠毅公以忠義相期許者無以異文章  
氣節千秋固有真知己哉公之偉績爛如大節凜然專  
祠奉祀仰邀

本朝之卹典載於史乘者綦詳茲不具論卽以其文言之研  
窮理窟則天人性命之宗窺其奧焉輔翼彝倫則君臣  
父子之範究其極焉參稽制度則禮樂政刑之治挈其  
綱焉是非篤於道者何以能此然則公之文卽載道之  
文性情所流露者在此節義所感發者在此吾故曰彌  
綸天地者有大道經緯天地者有至文豈不相得益彰  
歟公去今已百九十餘年矣所著文集散佚已多冒晴

石明經於故紙堆中檢得遺文二十八篇付裔孫眉雲茂才亟鏤板以壽世其亦精靈有所呵護耶余承乏臬邑景企前烈心向往之爰略叙緣起以爲邑之後學者訓庶乎其有所矜式也

范實齋明墨選序

北平翁方綱

帖括取士之法始於宋而宋文無之然大觀中言事者謂場屋文字之敝題無兩義必欲釐爲二以就對偶其超詣理趣者反指爲淡泊請飭考官取其有理致者此非言帖括乎明神宗時禮部亦請刊正嘉墨義然啟禎間文格益變積重難返矣或以有明制舉之文比諸唐人詩分初盛中晚云然唐人試帖無甚高格不足以例

如臯縣續志

卷十

藝文

三

諸家各體之作而有明程墨至今以爲先河問津所自又非僅唐試帖比也如臯范實齋與予同歲舉於鄉學有本原精審文格旣成進士家居益研究斯事嘗論次明墨得百八十一篇讀者可尋原而知要矣陳君二珊君館甥也將鏤板以傳之予與二珊談菴有素適來江右日與學官弟子研習鼓篋祭菜之義深幸陳君之有以發我也爰書此以復之

范實齋四書辨註二卷序

知縣范仕義

四書辨註二卷臯邑范實齋先生之所著也閱今數十餘年後裔零落原板散佚者甚多柳塘陳君乃先生外孫重爲收羅補輯遂成完書因問序於予予思四子之

書得子朱子之註解已爲闡發無遺矣後之學者苟非  
悉心殫力以求之精思澄慮以悟之則拘泥者扞格而  
鮮通穿鑿者支離而罔據毋惑乎沿訛襲謬自誤以誤  
人者踵相接也實齋先生深有鑒於時文之弊類由於  
講章之誤而講章之誤更由於解註之不精於是窺其  
義蘊之所存旨歸之所在與夫人物地輿之異同制度  
典章之詳畧者廣稽博考旁搜遠紹務使疑者冰釋昧  
者鏡清故爲辨註一書洵足以羽翼乎聖訓不致效隱  
僻者好爲攻擊快一時之私說反來用矛刺盾之譏嗚  
呼觀先生疏通證明之言豈非爲紫陽之功臣哉柳塘  
陳君經明行修其講學之淵源均出於外王父實齋先  
如臯縣續志

卷十

藝文

四

生之指授故遊其門者隨其質之所近均各有所成就  
以去先生甲戌進士余亦後六十年而成今承乏此間  
得以覽其遺編探其實蘊因以嘆先生明辨以析之意  
卽爲發聾啟聵之助而柳塘陳君收羅補輯之心亦藉  
此可以稍慰矣

正月十八日沙吟庵水亭看燈序

張

槎秋溟  
字漢乘

玉洞春回梅還吐雪天街月滿水正溶波羨一歲之良  
辰首茲五夜盡百年之勝事樂此千鍾况乎地湧長流  
兩水夾來明鏡人收短棹雙橋蹴起飛虹皎皎春城溶  
溶鴛浦則有南國人豪西園公子開二徑以邀賓啟蓬  
扉而結彩當海晏河清之日際傳柑擲笛之時偕我鄉

人同抒懷抱取斯君子共樂平安頗餘押歲之金買盡  
春宵一刻尚有辭年之酒醉來烟月千場花木逢春檻  
外笙歌時拂地樓臺近水坐中燈火直熏天人過板橋  
來入室穿簾偏曲折酒酣山澗坐疎籬老樹總輝煌水  
底有天倒向碧雲栽菡萏船頭無浪早乘白日駕鱗鱗  
檀板金樽如同北海斷橋殘雪恍入西湖某岸上牽舡  
家無四壁巖邊釣水賦鮮三都頗知搗管以成聲亦喜  
逢場而作興欣承雅召徑躋名流行到火城來偏我頭  
顛生白雪坐將金谷裏借他卮酒作紺瞳然而君是解  
人子真浪子時乎不再惟知足者無憂錢是倘來亦善  
與者能樂率成鄙句用冀雅音倘可興懷何拘令節尚

其滿瓊蘇與座上春光秋菊輒掃逕以相迎肯教擁阿  
堵於床頭明月清風竟閉門而不納

吳箎輯明太和令吳楫侯禦寇始末二卷序

安徽巡撫張師誠

太和禦寇始末乃前明吳公楫侯任太和令之所記今  
觀察吳君涓泉前任太和令之所輯也人必有古人之  
心而後生今之世能慕古人之所爲又必有古人之才  
而後生今之世能知古人所爲之難而愛之敬之以不  
替易曰水流濕火就燥雲從龍風從虎以性之所近爲  
類之所感由無事時之嚮往知多事時之設施也吳公  
楫侯吾鄉之先哲也明崇禎之七年令太和八年正月

遇寇警公以書生修戰備却狂寇擒土寇保危城以靖  
難民非其平日信義有以及人烏能至是顧湮沒無傳  
非大憾哉後百八十餘年今觀察吳君渭泉前令太和  
撫採佚事發潛昭忠捐俸剏祠爲之申告上官請嗣後  
宰是邑者歲捐廉以時饗神並哀集所記刊爲成書夫  
爲令者能勤撫字亦已罕矣至若捍禦之具團練之法  
修濬之術編查之方儲積之策蠲緩之請有置若罔聞  
者矣卽見古人之行事亦且淡漠置之無所爲心儀其  
人也不知兵可百年不用不可一日不備君子備豫不  
虞學以濟時則如明吳公之所記者烏可一日而不講  
哉今渭泉以通材爲吏所蒞必課農桑謀積貯編保甲

修城垣講文學一如前令之所爲而其所勸諭嚴禁諸  
實政又皆因地因時爲前令之所未爲其門人屬吏輯  
所蒞東流太和六安諸行事爲皖江從政錄較吳公爲  
尤詳足爲當世法然則其請也非徒憂吳公之闇沒故  
爲是表章之以慰忠魂而已將教天下萬世之爲守令  
者莫不誠信愛民懷材應變也余以鄉後進聞其事未  
見其書今得渭泉表章之而余又適司皖藩爲之轉達  
以遂其請抑亦余之幸也余非有知人之明然於渭泉  
一見卽器其人檄攝六安州事非能預知

今天子不次超拔而結納之也今遷任去六安士民遮道送  
不忍捨益見惠政及民余藉獲知人之名又何幸也渭

泉真傳人矣是刻成而前人傳余亦借以傳故樂爲一言以附簡末

吳箴臨証醫案筆記六卷序 兵部左侍郎沈 岐

夫有非常之際遇者必有非常之藝能具嶽崎磊落倣儻瑰瑋之才發爲事業著爲文章必能方軌前哲垂訓來茲如我叔外祖渭泉先生洵當代偉人也方其由大令晉階司馬循聲藉甚迺不數月而

特擢監司洊升鹺使人知先生遭遇之隆而不知其奇才異能實有度越儕輩者出爲名臣處爲名醫兼而有之矣憶嘉慶丁卯戊辰間先生需次都門與岐往來最密稔知先生岐黃之學冠絕一時輦下名公卿造廬求請者

如皇縣續志

卷十

藝文

七

冠蓋相望卽後宦皖省觀察閩疆有自彼中來者咸嘖嘖稱先生之政績與醫理均臻絕頂非其偉抱宏敷奇才出衆能若是之膾炙人口耶讀是篇者分肌劈理井井有條因嘆先生學之富藝之精用心之勤畢生精力蒼萃是書由是推此心以活民而民活推此心以治國而國治豈僅挾青囊一卷肘後奇方自號爲專門名家也哉岐知先生最久故深信其名實之相符而書其梗概如此

周大順初心集序

范仕義

君子之勸學也必賴言以宣之而其立言也尤必肖其心以出之古今來人同此心心同此理惟先葆其初心



者乃能無忝所生而後有以立人倫之極持風教之衰如朱子小學所記二十四孝不載作者姓氏自宋及今無不膾炙人口夫孝庸行也何以傳之歷久而常新哉其所以歷久而常新者又豈獨孝爲然哉由此言之移孝可以作忠全孝可以完節盡孝可以守義並行不悖而亦有各成其是者珊性周君讀書樂道士也於二十四孝外若忠若節若義均爲之旁搜博覽採其事實綴之以詩得以補前人之所未備其勸學之心亦良苦矣晚年屬其哲嗣佩華刊以行世而佩華復卽節之意推而廣之以善繼先人之志兢兢焉弗敢失墜嗚呼周氏一門其行誼之淳茂爲何如哉今天下不乏著書立說之士類皆騁才華摛詞藻誇耀一時之耳目而於身心性命之微綱常名教之大成以爲迂濶之談鄙夷之而不屑道母惑乎數彛倫而喪廉耻風教之所以日衰也余因以嘆是書之作上以闡發聖賢之精蘊下以維風俗之澆漓父作子述以心印心赤子也而大人之事備矣刊而行之於以信今而傳後夫復何疑

范邑侯捕蝗祈雨記

陳 烜

邑侯范廉泉先生愷悌君子也丙申秋飛蝗四集侯憂之俄聞鄰邑以飛蝗告矣又聞江南以飛蝗告矣又聞他省以飛蝗告矣蝗於泉境不傷一草木然亦無處無遺種經冬至春蝗子蠢蠢欲動漸作飛勢侯禱於神詣

四鄉率民搜捕得數千斛投之於江餘皆為雷雨所驅  
消除一盡二麥既登農人乘時雨插秧油油然生意滿  
畦侯喜之季夏以微旱祈雨甫一日甘澍驟降自是復  
連次得雨禾漸熟矣既慶蝗之生而復滅而又慶雨之  
長我嘉穀以成屢豐之象也侯之惠政不可殫述侯之  
誠心愛民民德之神亦感之雖人力之所不能為者亦  
如響斯應而况於興利除弊皆侯之力所能為者乎侯  
聞士民之頌聲不以為己力而憂民之憂如父母之保  
赤子樂民之樂則如今歲之蝗消雨降其為民欣慰可  
知也爰記其事以備采風者之觀覽焉爾

重排千文頌廉泉范邑侯政績

范景琰

如臯縣續志

卷十

藝文

九

洪惟文正仕於仁宗濟時良相禪爵為公遙承世業有  
唐御龍周秦韓魏采地用封祿隸千戶君聖臣忠推誠  
佐德敕績晉庸通泰楚海民賴其功二丁廟祭祀祀攸  
同洛陽綿慶日篤天平義莊主奉墨帳貽經諸羗象畫  
武充甲兵巖傅磻呂位抗僚卿枝殊嫡庶大啟冠纓昆  
兄叔伯房次皆榮矯瞻明府永邵聆名公為宋文正公  
裔孫列籍滇省  
永昌府  
保山縣綺歲飄逸家俊國英靈積崑崙性別渭涇都京  
學富夙秉異姿晝解晚讀多聞頗資左圖右史觀摩獲  
益珍結珠囊墳素牋釋竹牒巾箱辨疏根實慮邈念澄  
理真法密巨筆霄凌催詩燭刻煒制發皇飫古而得造  
藝特達似平寡羣聲馳合璧將實弁軍貢之殿陸鯤躍

鳳振譽連璇笏策對金門河嶽列宿雲漢成章南面出  
宰祇習典常懸規植矩退垢磨光賢能不伐優等外翔  
初尹孝邑公通籍初授茂跡鉅煌刑政具舉寵辱交忘  
秋場兩領浙蘇兩省張罔求才假手玉尺彼美此佳神  
哉陞黜猶謹堂階遐悅邇豫既感且懷趙琴王履祐續  
續魚上游器重奏最當居早背嚴命眠感食悲頽餘藁  
帶成毀彤疲寸暉願答景謝慈帷寒溫暑清容貌難幾  
朝飧夕飯潔膳云誰霜凋禽弔輦迴西池宮宇丹漆岡  
岫鬱伊慙吉引

見鍾阜量移始官寶令

公起服分發江蘇攝篆寶山

委身致治東亭攝

任

攝東臺篆兩閱月

稱職來儀

補授儀徵

律畏威建猷讚箴垂惠愛

如臯縣續志

卷十

藝文

十

豈弟塞欲助廉何虞姑息勿謂淡恬賊捕叛懼化默道  
潛禍滿嘉讓耻盈止謙孰恐紛更俯矜罪累寓簡改煩  
杜敝興利車殆驟肥衣絳統紫璣組蒙戎譏茲靡侈所  
謂是非毛輶妙比規宜嗣音棠深去思公蒞儀三載去後邑人士思之  
恭送聯額至臯駕輕抽熟奄臨我臯子事父母樂淑禮陶問斯  
親察審貴竭勞似水盟節匪石作操敬宣

廣訓

帝語條詳

每月朔望詣廟宣講

恭已率屬綏動壹方絃被漠野道在

無荒妾婦紡火農男納糧星拱福曜露施歡鳴甘雨夏  
沛曦日冬蒸機巧每厭俳笑敢驚并勸與賞曲體人情

邑人恭頌

德政額語 黎元州處終焉安寧市滅盜誅途踐靜睦果

克宅躬鼓吹貞俗本則內端誠慎若谷五倫自尊萬物  
竝育舍短絜長月旦取士公捐廉按好惡中分善又盡

起色絲斬新辭意妍麗設的持衡芥投緣恃聞過氣逼

厥田陰伏幹運盛虧鷄黍轉足飽稷饑糠橫把劭牧省

穡薄稅稼畝收百公勸耕祈晴禱少孤惻切兒散女亡

給養維要顛困悚惶縻骸部下聚魄路傍流離老弱目

接如傷普濟育嬰繼善留養城垣空曠驅夫以營近因

遠眺卑者高登環圖矢直四阿樓楹土木工竟基堅弗

傾泉城久圯公捐廉倡縣志再修會羅往行表隱及微

蓋歸鈞定故紙可稽闕疑存信遵舊增華後知甚幸志

三十年未修公續修之口碑耳聽洞鑒淵藏雅超黃霸閒慕嵇康

如皇縣續志

卷十

藝文

十一

湯銘勒坐禹碣尋牆談劍耽俠射覆競觴空寫畫指詠

入蘭馨公無他嗜惟藏金石圖沙柰染赤籃鞠翳青松

丸翦翠桐葉落庭據梧沈李鱗釣羽烹宙晦朗照八極

杳寥飛鳥川浴商羊扶飄熱使裳易涼逐扇招服驢索

想駭獸遣調寐卽匡牀唱亦銀瑟笙精號阮顰陋效號

顧轂從軻隨廊布席徊步盤桓谿翫林陟酒約槽嘗盃

乃浮白讌集友賓鹹和腸適公餘之暇佳時勝賞生也

敦勉草莽賤愚論說孔孟束髮受書嘯歌壁立冥長映

駒辰年力肆丙夜心虛欣執羔雁陪侍師筵騰驥莫必

仰荷薪傳獨務載籍寂守菜園藁仙景瑗頓首九拜陳

言

右記頌兩篇上之 廉泉大令謙讓未遑不允付梓  
鎧 謬承編纂再四紬繹事實文佳均不可掩且前誌  
載李公元白現任政蹟記已有行之者矣因援例錄  
於後以備觀覽 眞州吳鎧識

雙瑞堂記

知縣 曹龍樹

乾隆庚戌仲秋余來宰臯邑民安歲稔數年于茲矣暑  
有舊烏數巢癸丑三月一白烏至通體皎然穿堂巡廡  
與衆烏相馴月餘而去越乙卯夏二麥豐登四鄉農民  
紛紛稟呈有一莖二穗三四五六八穗及連理者因分  
裝數十匣稟呈各 大吏並蒙嘉諭昔歐陽文忠公謂  
麻城錢令甘露降麥五穗禾五穗人稱爲錢公三瑞余  
如臯縣續志

卷十

藝文

十二

慚無德政何敢方之古人第考宋史以玉烏成四瑞之  
樂隋書以歧麥列祥瑞之圖小學紺珠以蒼烏朱雁爲  
中瑞嘉禾芝草爲下瑞則茲之烏白麥歧皆協前史之  
休徵而爲

聖朝之祥應者也爰額于堂曰雙瑞

如臯縣續志卷十

藝文二

祝沙鳳洲先生六十雙壽

溧陽馬世俊 章民

從君上壽登君堂君顏如童髯未霜知君白有不老訣傳  
之安期與長桑不然今何具壯骨不然昔何挾剛腸在昔  
少年負意氣結交千里多同志攜手偕爲建業遊三衢九  
陌時聯騎夜光白日擬投人先鞭努力驅騏驥文章一出  
驚公卿王公姜公避席迎紙貴不數三都賦筵開那羨五  
侯鯖聲名四海欣要結雞壇雉社爭紛還秦淮渡頭李郭  
舟烏衣巷口徐陳榻惟時豐鎬忽重開悲歌長嘯鳳凰臺  
欲清君側排閭闔陳東慷慨疏何哀封章頻上除跋扈折

如臯縣續志

卷十

藝文

十三

檻君王心始悟軍伍無譁壁壘清豕蛇一掃淮揚路此事  
到今垂汗史狂瀾定後猶驚怖名成歸去釣滄波車馬紛  
紜非所慕膝前玉樹映五雲翱翔天步承恩露別墅幽閒  
風雨寒藤蘿萬丈竹千竿西園載酒嘉賓聚東山對奕羽  
流看六十年來閱世多眼中桑海等閒過碩人如君豈易  
得考槃高隱棲林阿君今天樂人莫逮薛包友愛姜肱被  
雙雙喜燕語雕梁荆花色映庭前桂龍章奕奕動華袞鶴  
算方臻未白頭我爲同志今何求飲君酒添君籌爲君吸  
取長江流相勸百卮不肯休歸同裏糧五岳遊坐數東方

三島與十洲

頌石龍濱先生舉鄉飲大賓

訓導 盛時傑

賓興置酒重奇英禮載周官屬老更三世淑躬厲大典一  
鄉交口薦先生望風地幸聯鄒魯子家靖江與薰德人慚  
說姓名兩廡莘莘榮俎豆寢昌定可卜家聲如臯接壤

上巳後一日追和王阮亭水繪園修禊八首元韻

黃振瘦石

水繪之園敞高閣重山複水致厯落一時文士會風雲筆  
陣酒海氣盎若春風吹春春水深黃鶯啼暖青樹林上人  
倒屣出門去千里萬里迎知音歌童婀娜擎春壺上日  
紅瑜鋪青蕪莫辭醉飲三百斛人生合老步兵厨漁人露  
迺桃花暮夕陽西下春不佳然炬重續青陽遊社宇聲聲  
催歸去邵子髮白雙睛明潛夫陳生倜儻饒豪情其年

如臯縣續志

卷十

藝文

十四

我愛王郎擅風雅春城三月行相迎櫻桃勻圓紅堪擘鸚  
鵡杯傳題詩石等閒一會重金蘭感君意氣舞雙戟今  
古不無聲華友樸巢才思天所厚鶴骨清癯八十餘世上  
文名高山斗細雨燕子紛紛飛纏頭博得金縷衣卷簾坐  
老湘中閣抱瑟人隨明月歸前年我過小浯溪弔古懷  
人心情迷花田綠破春耕雨野雉山雞高低啼大隱幾載  
異城市留得風華詩篇裏嗚呼先生奈爾何清風庭院懷  
塵尾世無聞人拾寶唾年復一年夢夢過豈無紅燈白  
社詞如對名山抱疾臥只今麗日紛披襟畫船寶馬揚好  
音誰是揚州王司李雙柑斗酒過香林有女有女嬌春  
嬉輕喉宛轉如鶯啼紅螺軟盡東風力鮫綃香暖雪花燄

樓閣一夜可憐雨落花瓣瓣滴春乳勸爾高歌且莫哀水  
繪而今鳴社鼓 秋葉經霜非久紅盛衰乘除今古通永  
和之年言及此不自今始蘭亭空一嘯振衣出山麓願隨  
落日雲中宿蒼茫海上立多時吹破鷺棲十萬竹

東皋詠古十四首

儀徵 吳 鑑 梅孫

發繇亭

橫亘長橋臥晚汀封圻鄖子舊圖形盟書繁敦曾三國劫  
火滄桑此一亭天地潮聲帆走白春秋山色草留青至今  
貨殖東南利尚說高賢結駟經

抱石灘

石激灘流鳴不平將軍東下此孤征鬣毛雪白悲臣老淚  
如臯縣續志 卷十 藝文 十五

車馬湖

十載謀吳沼已深功名覆轍歎爲禽君王烏喙同嘗膽女  
子蛾眉別捧心自寫胸懷盟白水敢貪骨相鑄黃金從今  
一舸鴟夷老碧海青天放浪吟

捍海堰

長堤一道走蜿蜒保障東南八百年海國資生從古富相  
臣憂患在人先魚龍寂寞三秋夜蜃蛤喧闐萬竈烟試望  
平原當落日彩虹馭氣接遙天

隱玉齋



蕭齋靜闢水雲鄉公子書聲夜未央豹隱十年原小住鳧  
飛三至有遺堂祖孫旌節留棠蔭士女弦歌奉瓣香古寺  
蒼苔尋贖跡疎鐘幾杵月昏黃

狀元陂

斷陂屈曲咽寒潮猶爲良臣愬寂寥才大宜招權相妬禮  
恭能遏貴王驕兩年太學宏文著一命方州壯志消重向  
集賢坊裏過熊熊英氣達丹霄

度軍井

鄂王經畧海東歸聖井天留慰渴飢號令山初移帳至精  
誠泉若刺刀飛穹廬冰雪難填恨暗獄風波未息機轉歎  
一門忠孝事銀瓶抱慟淚沾衣

如臯縣續志

卷十

藝文

十六

丞相原

力竭勤王勢不支潛行海角畏人知兵戈滿地烟塵熱風  
雨孤征夜漏遲天上龍髯襟上淚雪中鴻爪夢中詩荒原  
白日昭顏色想見田家獨宿時

洗馬池

東望蠙山峙海雲臨池猶憶故將軍從龍永配千秋祀畫  
象還酬百代勲破釜誰沈君赭服勝棋自占女紅褰至今  
細柳營門外游牧歸林散夕曛

水繪庵

身世滄桑感劫灰倦游公子擅奇才江關詞賦同岑集花  
月林泉異境開一代風騷主壇坫百年雲物贖蒿萊數椽

茅屋留香火無復斜陽燕子來

楊將軍墓

落日荒原衰草平將軍墓上碧縱橫無碑那辨秦何代有  
姓奚嫌霍不名在昔弓刀留勝烈至今鐃鼓發遺聲絕憐  
賭墅金銀子都付農人雨後畊

胡安定祠

人範經師並得難道高何必不卑官兩齋絃誦新槐市百  
里蘇湖小杏壇前席龍顏咨雅樂故鄉狐首耐衣冠希文  
薦贖眞無愧各有祠堂峙海灘

許忠愍祠

兵火連雲照九門臨危轉恨此身存龍湖攀馭無雲影鶴  
如臯縣續志

卷十

藝文

十七

署題詩有血痕移孝生難酬父德讀書死不負師恩敬瞻  
廟貌奉芳藻剪紙悽招杜宇魂

邵潛夫墓

寓公漂泊歎無依豈怨桐焦識者稀懷刺怕招鸚鵡禍賣  
文甘忍鳳凰飢身存天地殘詩卷名動公卿老布衣酌酒  
墓門澆碧草灣頭鷗鷺總忘機

培園看桂

范仕義

桂花深處築閒園爲問城南舊有村廬墓本非耽水石板  
興眞是樂琴樽林間葉落雲團屋溪上波迴月到門登眺

正當斜日裏新詩觸目細評論

壁有范曉原詩

栖雲道院詩

並序

碧霞山側舊有禮斗壇殿宇清幽池亭雅潔小有經營  
自成佳構因顏爲栖雲院並系以詩

白雲天半卷一片落仙壇鶴傍松邊立琴橫石上彈低簷  
山蔽影虛閣晝生寒但有超塵想何須問大丹

修禊詩

福建李彥章 榕園

道光丙申三月望日行部如皋與范廉泉明府平

越峯太守胡春巖上舍修禊水繪園卽用漁洋山

人水繪園上巳修禊原韻十首

今年上巳偏宜晴揚州明月光初生東園禊事盛觴詠遲

我十日班春行

今年上巳在揚州東園修禊

鶴嶼園林樂相訪雉皋主

客恒多情百七十年始來集令人直憶王新城

如臯縣續志

卷十

藝文

十六

城上參差見樓閣無邊野色連村落急衰看徧滿城花一

半名園改蘭若

是日徧游大覺極樂二菴及定惠寺文峯閣看花

牡丹開透正春

深草長鶯飛花在林哀絲豪竹復何有不如山水多清音

一樽雪酒催提壺菜花麥穗皆平蕪山簡高陽載醪酌宛

君蜜法添行厨

時嘗邑中蜜製花果猶董小宛相傳遺法

無端風雨催春暮我

獨勾留願春住樽前強半欲離人莫便堂堂送春去

水光無底中通明我與魚鳥俱忘情一池新綠爲誰皺見

人談笑先相迎花葉可書紙可擘醒酒來觀硯山石

春巖上舍

以所藏英德石硯山來觀

遠收烟雨入窗來江上數峯如列戟

辟疆山人善交友風俗至今留樸厚萬花園外白楊聲

巢民

先生塋於萬花園

空憶緜笙聚星斗

漁洋先生在水繪禊集時惆有羅星斗而聽緜笙之語

帳猿吟鶴又飛紫雲散盡舞時衣為澆生日一杯酒詩人  
魂魄應來歸是日乃巢民先生生日

舊游曾憶尋桑谿流觴水曲花為迷詩家醉墨所題處多

年只見山鳩啼吾鄉桑溪為開越王修禊處明曹石倉謝在杭諸先生亦有禊集題名石刻余於壬

辰上巳曾往游焉園亭難得在 cities 直占三吾為屋裏荒涼十畝

放生池一歎巨魚散千尾洗鉢池本冒家放生池

賓客東南留咳唾當時日日游船過誰知石上舊尊罍但

與牧童常坐卧吾儕小住且開襟空谷居然有足音美人

名士久同盡賢者樂此惟山林

去年湖舫誇春嬉小紅橋下聞鶯啼去年揚州小紅橋成修禊之會是十二人

為唱和集蕪城詩畫一時盛響答有若韃投鎗雨香今日此聽

如臯縣續志 卷十 藝文 十九

雨頃刻青苔走泉乳百花作態競爭春不待連催煩羯鼓

水痕淺碧花枝紅溪源遠與江湖通誰與種魚補花柳四

時不妨觥船空我行且向狼山麓尚擬歸途還信宿萬里

因懷水繪灘惠泉十萬琅玕竹昔在粵西思恩有惠泉一泓其地多竹至十餘萬竿

江上為水繪灘風景甚美因游此而並動我萬里之思矣

漁洋昔欲還朝去按部能來此中住漁洋先生由司李擢主客行有期矣

獨來水繪園修禊播州太守與我同無意相逢憩棠樹時越峯太守將移

守黔中余亦擢莞東巖皆以來范隄世德不相忘地主慤

勲共一觴謂廉泉明府邑有捍海堤東泉他日考文獻

此意與之俱久長

山陰平 翰 越峯

旌旗冉冉出花叢  
夾道人爭御上公雲  
起雉樓圖書列工城

新日晴蘭渚禊游同  
吾鄉蘭渚即右軍蘭亭  
題襟到處留佳話  
問俗

于斯尚古風  
城市山林今似昔  
好徵文獻百年中

竭來方惜莫  
春天猶見花開富  
貴偏留客何妨  
頻選勝尋

僧未必盡逃禪  
是日先游大覺文峯定惠極樂諸寺觀牡丹有別種  
兩添洗鉢閒池

上詩續流觴  
曲水前更有河東真墨妙  
却如定武辨當年

廉泉大令見示郭景純游仙諸墨蹟同為欣賞

人問鴻雪小滄桑  
楊柳樓臺剩夕陽  
此日佛來成覺地  
當時花亦醉餘觴

是日適巢民先生生辰  
烟籠煮鼎松泉美  
風送行厨

杏粥香草長鶯飛  
懷往事詩人名壽水雲長

紫琅山靜海無波  
咫尺還迎繡節過  
都轉將至崇川勘唐家牘  
曾未讀

如臯縣續志 卷十 藝文 三

書慙守土偏逢觀政在  
疏河良苗懷雨班  
春至廣蔭如雲

覆物多 天錫絲綸同拜手  
公臨秦岱我牂牁

范仕義 質為

纔過穀雨宜新晴  
雉皋春水時初生  
錦袍仙人泛綵鷁  
按

部東下崇川行  
百花爭妍待旌節  
遲留數日天有情  
大雅

扶輪發高唱  
至今低首謝宣城

城隈舊有湘中閣  
逸老襟懷殊落落  
林園修禊開賓筵  
一

室清言芳杜若  
鶯啼草長青春生  
落花厯亂飛空林  
百年

韻事未消歇  
琴彈綠水餘清音

澹蕩春光盛玉壺  
柳烟麥浪翻平蕪  
看花遍經蘭若社  
載

酒更慙櫻筍厨  
芳晨正好逢春暮  
留得幃帷欣暫駐  
隨車

甘雨流東皋穠華莫逐東風去

鉢池一鑑涵空明沙鷗汀鷺生幽情南皮昔遊尚可溯冶  
春勝侶如相迎主持風雅今巨擘乘興來拂林間石壺中  
九華次第看無數烟巒排棨戟

古人風義重交友金石之盟德逾厚辟疆園裏漁洋來海  
內聲名矗山斗樸巢搖落雲高飛絃管無聲罷舞衣一掬  
寒泉荐吟魄寥天招鶴應同歸

白蘋洲外荇花溪舊游阻隔途俱迷江南十載恣遊覽空  
濛烟雨鷓鴣啼公子林泉在城市坐收烟嵐入屋裏我公  
嗜古喜追陪時折松枝當麈尾

新詩珠玉隨風唾氣壓前人直突過揮毫落帟驚四筵金  
如臯縣續志

卷十

藝文

三

樽傾倒花茵卧臨風蕭灑一開襟浩歌響答空谷音魚鳥  
親人有至樂依然鐘鼎同山林

高軒過處民騰嬉枝頭靈雀傍春啼春風忽施陶鑄力坐  
使鈍質逢神鎚公餘禪舍賞春雨煮茗泉心汲水乳名花  
片片霏天香偶來習靜聞鐘鼓

海日東射扶桑紅紫琅佳氣與天通我公振衣凌絕頂雲  
霞盪胸眼界空愧我翅舟望林麓悵懷桑下虛三宿花前  
掃徑待歸來舉觴重話洋州竹

岱雲一片風吹去大府挽留聊且住樾峯太守同來游俱  
留遺愛甘棠樹小草向榮意不忘驪歌曲侑紫霞觴德業  
文章信不朽頌聲永與江淮長

胡萱生 春巖

永和傳佳會千載仰芳躅水繪繼蘭亭名流集林麓王郎  
烏帽來四座屬耳目落紙詩十篇筆健搖五嶽百七十年  
中風雅誰能角我公歐蘇儔秉政尚清肅龍門開東南奇  
士爭相逐行部涖江皋頌聲振巖谷識遠澹組圭神清悅  
水木修禊補公餘水繪欣駐足樸巢與湘閣歷劫久傾覆  
鉢池水一泓依舊向人綠蔚然實從賢盡皆龔黃屬幽情  
足暢叙奚用絲與竹擊鉢各裁詩妙奇嘆公獨才大氣如  
虹飛灑盈長幅天馬馭空行漁洋翰超卓佳話傳來茲後  
會堪前續邂逅荷甄陶葑菲還青矚雲黑雨催詩急就慚  
珠玉

如臯縣續志

卷十

藝文

三

道光丙申三月十九日余自崇川勘河行部復次東臯

林梓鎮偕范廉泉明府潘小江茂才訪沈梅垞駕部  
時培園牡丹盛開春已云莫爰以餞春爲題范明府  
詩先成卽依韻賦七律二首明日余將返邗江故別

離之感情見乎辭

閩中

李彥章 榕園

小隊行河去復回却勞賓從遠追陪千花繞宅仙卽住一  
鷄隨舟令尹來修禊昨曾經水繪餞春重與醉雲壘輕裝  
不載穠芳去羯鼓殷勤且緩催

紅橋春水亂流觴又向名園挹晚芳况有才人稱地主肯  
舞吟袖染天香醉搓雲絮憐蹤跡笑指風花惜景光明日  
扁舟渡江去更攀絲柳話南唐

道光丙申三月十九日陪李榕園都轉培園看牡丹命  
以餞春爲題卽席賦二律

滇西 范仕義 廉泉

青翰舟中使節回主人折簡喜追陪  
葳蕤草色盈階入爛漫花光繞座來  
寶樹千枝圍錦幄仙衣一品照金罍  
春暉

閣裏春常駐

李春湖先生題 春暉永駐額

莫說東皇馭已催

林間幾度共飛觴綠戰紅酣次第芳  
上客筵中逢國士萬花谷裏重天香  
雕闌簇艷含朝露玉檻生華吐夜光  
雅調清平傳彩筆詞垣競爽繼三唐

和李榕園都轉水繪園修禊用漁洋先生原韻十首

項 黻 杏樵

春烟冪冪非堅晴縈波鱗鱗縠紋生  
使君按部不辭瘁揚

如臯縣續志

卷十

藝文

三三

麾東指蘭橈行觀者如堵在河涘  
仁風披拂歡輿情女牆

新葺資保衛一覽巖巖射雉城

如臯廉泉明府新修城工 公借樾峯太守特來會勘

城頭睥睨如登閣人烟歷歷環墟落  
麥隴浮來秀色多爰求柔柔葉沃若  
風光如此春正深綠戰紅酣錦繡林  
蘿幌松門復相訪來聞空外清磬音

三吾風景方蓬壺荒烟一抹成榛蕪  
劃地數弓歸禪宇伊蒲饌供香積厨  
洗鉢池邊樂朝暮昔有詩人此中住  
一觴一詠集羣賢莫放三春佳日去

樓臺倒影金碧明珠林寶地都舒情  
竹樹灣環露苔徑入門惟有鶴先迎  
縱吟且把青牋擘珍重碎金謝安石  
裙屐風流此一時暫駐襜帷臨棨戟



名園最好耽良友忘年之交深結厚玉學金鼎引上賓猶  
憶清歌珠落斗懷古堪嗟木鶴飛吟魂應被薜蘿衣長留  
天地一詩卷仙鄉時有白雲歸

當時修禊小浯溪陳迹幾似武陵迷花明路轉得異境中  
有睨睨黃鶯啼園亭何必遠闕市賞幽直到香林裏即今  
高會句先成編集遙遙繼蠶尾

華篇銀鉤落珠唾畫波曲折常三過烟飛露結追蘭亭豈  
同腕着而筆臥月魚基上舊題襟百數十年少嗣音青蓮  
臨此却何幸佳話從今添藝林

山禽翱翔狎羣嬉隔樹逐婦聞鳩啼春來與物自旁震須  
史滂沱散雷槌天花飄墜曼陀雨灑遍芳田透膏乳澤下

如皋縣續志

卷十

藝文

三四

於民正及時處處歛幽擊土鼓

是日大雨

綠楊隄外小橋紅溶溶一水城壕通此間似闕琉璃界頓  
令光眩銀海空雨香庵傍霞山麓沙暖前汀白鷗宿聯吟  
何處可留題清風窈蕩雲母笄

星節將移山左去

時公榮遷管權東越大府奏明留辦河工

還蒞東臬半日

住一代騷壇屬我公詩情艷發琅玕樹湘中故事藉無忘  
匪直此會記流觴新城風雅侯官接千載悠悠雉水長

丙申暮春望日李榕園

彥章

都轉按部如臬借平槌

峯

瀚

太守范廉泉

仕義

明府訪水繪園遺址都轉

賦古詩十章命余和之限用漁洋山人如臬修讓

詩原韻

邑人

沈廷榮 梅花

暮春時節天初晴夾岸桃柳清風生李侯江南久駐節按  
部來作東臯行水繪園荒有遺址過訪不勝弟古情新詩  
十章倚馬就意氣何殊王新城

不見飛樓與傑閣剩有水邊破籬落斜陽隱隱草離離空  
谷無人採蘭若禊辰已過春色深新篁迸出松樹林景仰  
前徽倍留戀高軒豈吝金玉音

九仙骨本生蓬壺車無襜帷踏青蕪待將芍藥調金鼎不  
須麟脯充行厨陽春到此春未暮花裏青驄暫停住雉水  
悠悠雉堞高我公便可留題去

當年洗鉢池水明湘中閣上動詩情侍兒捧硯頗不俗家  
姬打槩來相迎主賓共把吟箋擘絲肉雜奏裂金石玉山

如臯縣續志

卷十

藝文

二十三

筵上一俊人家世三槐列棨戟

名士陳生本舊友辟疆阮亭交復厚修禊勝事追永和把  
酒何難飲一斗人往風微柳絮飛石徑鋪滿青苔衣主人  
跨鶴瑤京去華表千年歸不歸

雨香菴側環清溪一春陰雨烟霧迷使節乍臨天開霽棠  
梨枝上曉鶯啼紅橋吟罷清明市行旆又出綠楊裏茲游  
正值牡丹開未是三杯宴婪尾

珠玉隨風落咳唾高吟惟恐芳菲過明公車騎一隊來野

人花月三句卧同臨水次滌塵襟播州太守稱知音

平刺  
史由

吾郡擢  
守黔史

更有賢侯工吟咏

謂范  
明府

公餘日坐翰墨林

良辰美景相娛嬉莫以榮悴爲笑噓一聲河滿倍淒楚當

年方響揚犀槌管絃嘔啞雜春雨蟬眼生時潑茶乳祇今  
不見家樂陳日暮隣僧傳粥鼓

小園花事三春紅一水近與臯城通已呼花僮掃花徑杖  
頭沽酒囊不空使君生平愛林麓輕舸月夜湖邊宿清晨  
鷗從到山家先問主人後看竹

昔年聽鼓應官去與公同在春明住此際仙凡兩境懸空  
望燕雲悲秦樹故人情意猶不忘起爲公壽進一觴南中  
草木亦知感其沐恩膏歲月長

盧孝子傳叙

范仕義

臯邑有盧孝子焉名崇孝勤占其字也而至性純篤事父母竭誠盡力有非常人之所能及者故以孝聞於時宗族鄉黨交稱之載於明經陳柳塘傳中綦詳今孝子之子名寅者復屬余一言以紀之余因之有感矣夫孝子之克供子職原以行其心之所安不欲干聲譽於世而至性過人事父則冬溫湯器疾侍湯藥歿則七日不沾勺水事母則顛神益算盲目復明非平日之精誠所結通於神明者烏能若是哉吾以爲孝子之事親罔極之思終身如一實爲難能而可貴而孝子之子於親亡數十年後不忍其令名湮沒務欲顯揚而後已其繼述之志亦有足稱者余承乏如臯縣續志

卷十

藝文

二十七

於此爰採訪得實遂上其事於大吏上以獲

朝廷之褒揚下以爲里閭之矜式所生無忝豈不足以風世勵俗哉古語云務本莫先於孝吾於盧氏見之矣孝子之子其勉乎哉

盧孝子傳叙

沈岐

孝道之難言也曾子十八章自天子至諸侯卿大夫士庶人莫不有至德要道以馴至於明天察地之全顧違違公卿大夫終身由之莫得其指歸而山陬海澨閭巷韋布之士一二事之卓卓六見者遂以垂聲稱於不朽余奉先慈諱歸里祿養廬違寺嚴親在堂晨夕侍奉思所以養志承歡斲合於至德要道者不可得今乃於盧孝子見之夫孝

本無奇節而庸言庸行中有其至精至粹者卒爲人所不可及今試問嚴冬時以衣被溫親之溺器夫人而能之乎不能也菽水無資業岐黃以贍已利人者夫人而能之乎不能也夫以人之所不能者而獨虛孝子能之則其孝稟於性天成於學問而遂冠絕等倫其爲宗族所稱道鄉黨所交推而克荷

朝廷之褒獎以光大其門閭也固宜至孝子之操守廉介感召天和者陳君傳中言之詳矣余不復贅焉

陳君利和暨節孝張孺人墓表

戴聯奎

嗚呼爲善無不報而遲速有時此理之常也况霜雪之後必有陽春又兼乎氣以驗之故從來潛德之士貞節之婦

如臯縣續志

卷十

藝文

三六

根於至性而發爲懿行足以振綱常維風俗者雖伏處遐陬集蓼茹苦以終身而卒之其名必顯其後必昌若吾臯邑之陳君利和暨厥配張孺人是已君生而文秀弱不勝衣澄如秋水初受四子書便能通大義稍長志切顯揚益殫精載籍雖盛暑隆冬披吟無少輟顧學日以富而貌日以癯將成瘵疾乃祖惟德公及乃父書榮公咸以爲憂禁之不可因悉以家政遺之曰爾第勞形無勞神疾庶有瘳乎嘗奉命糴穀于秦糴已盈束裝將發會商侶有遺金於榻者君托以他故淹留俟其人後來詢交乃去是夏亢旱所糴穀二百餘石纔閱數旬子已倍母利和君慨然稟命於乃祖乃父曰囚人之藩以爲利兒不忍也若竟以濟貧

則吾力不能且無以繼請以朱子社舍法行之其益無窮  
兩尊人欣然許可是歲大旱蝗赤地千里近村賴以保全  
者百計明年君方建倉當社村民亦皆翹首西成以穀納  
款乃自夏及秋霪雨害稼人幾爲魚社倉遂廢又明年張  
孺人歸洗腆承歡挑燈佐讀一門雍雍交相慶也乃未及  
廟見惟德公暨書榮公先後捐館利和君疊膺大故哀不  
自勝舊疾滋深孺人以一身奉兩邁姑兼調夫疾晝忘食  
宵廢寢閏數載以爲常而利和君竟不起遺孤嘉猷甫八  
月歛後孺人以頭觸棺血涔涔下昏絕于地祖姑及姑亟  
以手挽其衣指嘉猷而言曰陳氏數傳惟此而已汝縱不  
惜身獨不爲陳氏撫孤乎且吾熒熒二老又何賴焉孺人

如臯縣續志

卷十

藝文

二十九

聞命矍然起節哀啜饋益勤操作與祖姑及姑同處一室  
晨昏侍養弗懈及祖姑沒家業益窘孺人罄典衣飾殯葬  
合儀姑年高齒脫孺人日嚼糕糜和牛乳以進頤養七十  
七歲以壽考終孺人猶哀痛不已三年亦繼姑以沒然孺  
人未沒時嘉猷已援例入成均諸孫思感思慰思恩名列  
膠庠孺人撫孤之心至是益稍慰乎孺人沒踰年嘉猷手  
疏其節行聞于縣縣以聞于各憲請

旨建坊今

恩綸下逮厥功已竣猶慮厥考厥妣之懿行聞者莫得其詳也  
屬余爲文以揭于阡嗚呼利和君張孺人之名于是爲已  
顯矣陳氏之昌今其造端而已

重修前任如臯令趙公墓

有序

滇西范仕義

廉泉

公諱昌標浙江山陰人國學生康熙三十四年任如臯令  
丁母憂卸事宦况蕭然不能扶櫬歸里越數月以哀毀卒  
邑人悼之並其母葬於東郊江港橋距菩提社二里許同  
鄉少尹李星橋置墓田一區更為封樹以識之厥後裔孫  
無存其墓田為人盜賣洪姓今年春程秋濤少尹檢閱塵  
牘得其原委告予以故予亟為清理而洪姓知誤買之非  
遂將此田交出不敢受直此亦等於好義者之所為也予  
以温語嘉之因諭菩提主僧經理召佃種之以備春秋香  
楮之供是舉也微秋濤之留心咨訪舊令荒墳不幾長荆  
榛穴狐兔積久侵削犁為田畝而無跡可尋乎予因憶吾  
如臯縣續志

卷十

藝文

三

鄉楊次江先生乾隆丙子宰真州卒於任所邑人卜葬北  
郊不數十年圯隴湮沒予抵任後徧加尋訪竟不得其所  
在以此視彼能不感慨係之哉

趙公墓舊誌載葬於南郊地藏寺西南係悞後之續修者當更正之

當年宦况果清貧奉諱淹留剩此身詎料客中悲孝子竟  
教泉下伴慈親墓田數畝都耕削宰樹千章俱爨薪賴有  
後先賢少尹能存風義邁羣倫

次韻

穎上汪承基

易堂

無端婺隕逼官貧怎為護堂贖百身隔世相依猶母子一  
生兼盡是君親荒埔久慨迷林莽故址今欣刈棘薪  
廉泉  
及秋濤少尹尋訪趙公  
明府  
故墓復歌詩以弔之  
令尹高吟少尹續蹋歌我媿比汪

倫

古欵項 黻杏樵

野祭無人鬼亦貧詎知曾現宰官身千秋亭遠難歸櫬山陰

縣有柯亭亦名千秋亭長夜臺空尙侍親特付桑門芟墓棘重培楸

樹禁樵薪幽光昭闡惡賢尹如此高風邁等倫

雲夢程 勸秋濤

宦囊竟似阮囊貧骨立難支七尺身千里關河淹旅櫬九

原言笑戀慈親政留耆老歌棠舍碣斷殘陽卧棘薪百二

十年潛德發天將清孝勵羣倫

荒塚誰憐故鬼貧歸田聊慰夜臺身相如璧返亡歧久墓

為洪姓謾買今交還有道碑書日大筆親蘇泉明府親書碑記勒石僧院屬澆寒食

如臯縣續志 卷十 藝文 三

酒墓門重掃積年薪回思鳳羽雲南浪穹縣各鳩工日遙與褒忠

事等倫先君子宰浪穹時曾修明御史楊應能教授葉希賢二忠墓時勸隨任襄其事

計塋田一畝一分六釐東西各十八弓北十三弓

每年田租錢四百文

公置西門外打場巷南首園田東西各三十六弓南

北各八弓半

共計田一畝二分七釐五毫價銀十四兩六錢每年

田租錢一千四百文總交菩提社僧收租以供

春秋祭掃



重修易天有胡西垞墓記

蕭山 沈思梅

道光癸巳季冬余初承乏東臯之西場問土風外與鎮之士庶徵考前賢遺蹟有劉仁軒仲石渠告余曰此地有前任易公天有暨詩人胡君西垞之墓年久湮沒請修復焉余遍詢耆碩始得易公墓於鎮之河北易爲慎郡王記室居官有政聲善書畫尤工於詩與舍人胡君西垞先後來鎮結社聯吟極一時文酒之勝不數年相繼徂謝好義者卜地而葬焉余既得易墓復於古樹園榛莽中得斷碣知爲胡君遺塚憑弔歛嘯以次重加修葺俾後之人有以識前賢之遺蹟而余心亦稍慰矣至兩賢列傳已詳載前志中茲不贅時強圉作噩壯月下浣記

石璩小學辨論四卷

吳廷燮迎

鑿集楓香閣詩古文集各若干卷

薛竹巢詩二卷進士程化鵬知縣范仕義序

徐邦殿芍園詩四卷

江棻爨薪集詩二卷

黃理耕南詩鈔一卷

朱蘭孫謀笑集詩一卷

石渠雲停山館詩鈔八卷故人遺稿八卷同人詩鈔八卷

已梓又雲館雜志四十八卷

江玉章晚香閣詩一卷

如皋縣續志

卷十

藝文

三十三

吳箴旣江從政錄八卷胡敬序

吳箴六安棠陰留愛頌言二卷吳高序

薛珠友硯廬詩鈔二卷

袁岑生花軒詩二卷

女史熊璉澹仙詩鈔四卷

李光璵芸渚詩鈔二卷